

»» Президент

Президент Қозоғистон халқининг бирдамлиги кунин билан табрикларди

KAZINFORM. Бу ҳақда Ақўрданинг матбуот хизмати хабар берди.

«Қадрли ватандошлар! Қозоғистон халқининг бирдамлиги кунин муборак бўлсин! Бу давлатимиз учун алоҳида аҳамиятга эга байрамдир. Халқимиз умумий қадриятларга асосланган бунёдкорлик мақсадларига эришиш йўлида куч-ғайратини аямай, эртанги кунга ишонч билан олға интилмоқда. Беповён диёримизда турли миллат вакиллари аҳил-инок, тинч-тотув умргузаронлик қилмоқда. Бу йил Қозоғистон халқи Ассамблеяси таъин этилганига 30 йил тўлди.

Бу ноёб ташкилот илк кунлариданоқ юртимиздаги тинчлик ва тотувлик тимсолига айланди. Ассамблея фуқароларимизнинг ўзаро ҳурмати ва ҳамжиҳатлиги асосида миллий бирликни мустаҳкамлашга салмоқли ҳисса қўшмоқда. Халқимизнинг ҳамжиҳатлиги, муштарак иродаси туфайли давлатимиз тараққий этиб, амалга оширилаётган кенг қўламли ислохотлар бундан бун муваффақиятли амалга ошаверади.



Мамлакатимиз тенглик, ўзаро ишонч, маданий хилма-хиллик бунёдкорлик салоҳиятига таянган ҳолда миллий бирликни янада мустаҳкамлайди. Халқ бўлиб бирлаша олсак, ҳар қандай қийинчиликни енгиб, ҳам марраларга эриша оламиз.

Биз биргаликда халқимиз орзуи ва меросини – адолатли ва кучли Қозоғистонни барпо этамиз. Барчангизга фаровонлик ва муваффақиятлар тилайман! Бирлигимиз мустаҳкам, осмонимиз мусаффо бўлсин!» дейилади табрик матнида.



БОШ МУҲАРРИР – «ШАПАҒАТ» МЕДАЛИ БИЛАН ТАҚДИРЛАНДИ

Қозоғистон халқи Ассамблеясининг 30 йиллиги муносабати билан миллатлар ўртасидаги дўстликни мустаҳкамлашга ҳисса қўшган ҳамюртларимиз шарафланиб, қадрланадиган шонли сана. Кунин кеча мамлакат истиқболи, порлоқ келажаги учун жонбозлик кўрсатаётган халқимиз фарзандлари Давлат раҳбарининг қўлидан муносиб мукофотларини қабул қилиб олишганига гувоҳ бўлдик. 100дан зиёд ҳамюртларимиз «ҚХАнинг 30 йиллиги» юбилей медали билан тақдирланди. Бу жамиятимизда элпарвар, халқининг эртаси учун борини аямайдиган жонкуяр инсонлар сафи кенгайиб бораётганидан далолатдир. Мамлакатимиз бўйлаб тарқатиладиган «Жанубий Қозоғистон» вилоят ижтимоий-сиёсий газетасининг бош муҳаррири, таниқли журналист Райимжон Алибоевнинг Давлат раҳбари қўлидан «Шапағат» медалини қабул қилиб олиши Қозоғистон медиа оламида ўзбекзабон нашримизнинг ўзига хос мавқеи ҳамда ўрни борлигини яна бир қарра исботлади. Газетанинг директор-бош муҳаррири Райимжон Алибоевни кутлар эканмиз, нашримизнинг мавқеини янада юксалтиришида муваффақиятлар тилаймиз.

ТАҲРИРИЯТ.

МЕҲНАТДАН КЕЛСА БОЙЛИК...



Мустақиллик йилларида Қозоғистонда ижтимоий давлатнинг мустаҳкам пойдевори барпо эттилди. Қозоғистонликларнинг ҳаёт андазалари муттасил равишда юксалмоқда. Бинобарин, фуқароларимизнинг барқарорлик ва фаровонлик медаларидан нечоғлиқ самарали фойдаланишга тўғри муайян масала бўлиб қолмоқда.



Президент Қасим-Жўмарт Тўқаев «Адолатли Қозоғистон: қонун ва интизом, иқтисодий тараққиёт, ижтимоий неқбинлик» номили Мақтубида 2025 йилни «Ишчи касблари йили» деб эълон қилди. «Ушбу йил мобайнида техник ва касб-хунар таълими тизимини ислох қилиш зарур. Шунингдек, биз ишчи иқтисодиётларини тарғиб қилиш орқали жамиятда меҳнаткаш ва ҳақиқий мутахассис бўлиш ғоясини ташвиқот қиламиз. Адолатпарварлиги ва меҳнатсеварлиги билан муваффақиятга эришган одамлар ҳамиша ҳурматга сазовор, доим эътирофда бўлишлари керак. Бу биз тақдир қилган «Адолатпарвар фуқаро – адолатли меҳнат – адолатли даромад» тамойилига тўлиқ мос келади. Мухтасар қилиб айтганда, жамиятимизда меҳнатсеварлик ва касбга муҳаббат каби фазилатлар қадрланиши керак. Ўз касбини яхши ўзлаштирган мутахассислар миллат сифатини юксалтиради. Шунинг учун биз меҳнат одамнинг мақоми юксалтирмоқдамиз. Бу йўналишдаги ишлар муттасил давом этади», деди у.

Қозоғистон учун иқтисодий ютуқлар билан ижтимоий фаровонлиқни таъминлаш ўртасидаги қулай мувозанатни топиш, ҳаётин талабдир. Ишчи касбларига ижтимоий-иқтисодий янгиланишнинг энг долзарб вазифаси сифатида эътибор қаратилмоқда. Дарҳақиқат, ҳар қандай меҳнат – қадрли. Асосийси, ҳар ким ўз масъулиятини чуқур англаб, ўз вазифасини сифатли бажариши керак. Шундагина юртимиз тараққиётнинг асл йўлидан боради. Халқимизда: «Меҳнатдан келса бойлик – турмуш бўлар чиройлик» деган нақл бор. Ўз касбига ҳалол ва масъулиятли одам ҳамиша муносиб баҳосини олади. Давлат раҳбари бу тушунчани жамият онгига синдириш кераклигини таъкидлади.

Ишга туширилмаган захираларимиз ва имкониятларимиз нимада? Ижтимоий сиёсат барқарор, бунёдкор бўлиши учун яна нималар қилмоқ керак? Биринчи навбатда имтиёз олаётган соҳаларни боқимандалиқдан чиқариб, рақобатбарадорлиқ даражасига олиб чиқиш, ижтимоий ҳимояга муҳтож аҳоли қатламларига «балиқ эмас, қармоқ бериш» керак. Бугунги кунда бутун жаҳон боқимандалиқнинг ҳалокатли эканлигига аниқ ишонч ҳосил қилди. У дунёнинг ривожланган мамлакатларида ялли ижтимоий меҳнатлиқни туғдирди ва дунёвий танглиқнинг бош сабабларидан бирига айланди. Ахир дунё тамаддунининг бутун қадриятлари, барча иқтисодий ва маданий бойлиқлар дабдабали молиявий идоралар томонидан эмас, балки инсон меҳнати билан бунёд этилади.

Мустақиллик йилларида ижтимоий соҳани ислох қилишнинг айрим йўналишлари бўйича Қозоғистон МДХ мамлакатларидан ўзиб кетди ва шерикларини анча орда қолдирди. Пенсия, банк, кредит-молия тизимлари, уй-жой, коммунал хўжалиги, қисман таълим ва соғлиқни сақлаш, ижтимоий муҳофаза шулар жумласидандир.

(Давоми 2-бетда.)

“БИРЛИК МАРАФОНИ”ДА 2000дан зиёд фуқаро иштирок этди

Туркистон шаҳрида «Қозоғистон халқи Ассамблеясининг 30 йиллиги» ва Қозоғистон халқининг бирдамлиги кунин муносабати билан «Бирлик марафони» уюштирилди.

Унда Туркистон вилояти ҳокими ўринбосари Ертай Алтаев, шаҳар аҳолиси, турли этнос вакиллари, жами 2000 нафардан зиёд ҳаваскор спортчилар иштирок этиб, ўз омадларини синаб кўришди. Марафоннинг умумий масофаси 6,2 қақиримни ташкил этди.

Тантанали тадбир якунида вилоят ҳокими Нуралхан Кўшеров ғолибларга махсус диплом ва медалларни топширди.

Вилоят ҳокимининг матбуот хизмати.



Саудия Арабистони 29 апрелдан бошлаб Ҳаж мавсумида Макка ва Мадинага киришга чекловлар жорий қилди. Ушбу тақиқ 10 июнгача, яъни Ҳаж зиёрати туғатунга қадар давом этади, деб ёзади Report.

Энди муқаддас қадамжоларга фақат махсус Ҳаж визасига эга бўлганларгина кириши мумкин. Мамлакат Ички ишлар вазирлиги

ҲАЖ ЗИЁРАТИ: ЖАРИМА 5300 ВА 26 000 АҚШ ДОЛЛАРИ!

KAZINFORM. Саудия Арабистони Ҳаж вақтида Маккага киришга янги чекловлар киритди

маълумотларига кўра, рухсатномасиз Ҳаж зиёратини адо этишга ёки бошқа турдаги виза билан Маккага киришга уринганлар 20 минг Саудия риёли (тахминан 5300 АҚШ доллари) миқдорида жаримага тортилади.

Бундан ташқари, рухсат этилмаган зиёратчиларга ёрдам берган ёки уларга виза берганлар 100 000 риёл (26 000 АҚШ доллари)гача жаримага тортилади.

Маккага ноқонуний киришга уринган хорижликлар мамлакат

дан чиқариб юборилади ва 10 йилгача Саудия Арабистонига кириши тақиқланади. Ҳаж рухсатномасиз одамларни Маккага олиб кетаётган автомобиллар мусодара қилинади ва уларнинг эгалари жиноий жавобгарликка тортилади.

Туризм вазирлиги Ҳаж мавсумида Ҳаж рухсатномаси бўлмаган шахсларни Макка шаҳридаги меҳмонхона ва уй-жойларга жойлаштириш қатъиян ман этилганини маълум қилди.

Маънавиятнинг муаззам майдони

Мамлакатимиздаги барча матбуот нашрлари қатори «Жанубий Қозоғистон» газетасига ҳам 2025 йилнинг иккинчи ярми учун обуна бошланди.

Обуна ишларининг уюшқоқли ташкил этилиши газетанинг келгусида тўлақонли фаолият юртишига имкон беради. Демак, ҳар бир газетхон суюкли наشريга обуна бўлиш баробарида уни қўллаб-қувватлаган, эртанги кунига мустаҳкам пойдевор яратган, давлат миқёсида амалга оши-

рилаётган ислохотлар ва уларнинг жойлардаги ижроси мазмун-моҳиятдан тўлароқ хабардор ҳамда муҳим воқеаларга хайрихоҳ эканлигини амалда намойиш этган бўлади.

Шунга эришиш керакки, газетамиз вилоятдаги ҳар бир меҳнат жамоаси, таълим ва ҳунар маскани, нашр шинавандалари хонадонларига етиб борсин.

Ҳиммат кўрсатаман, деганлар нафақадорлар, ногиронлар, кам таъминланган оилаларни газетамизга обуна қилишда ҳомийлик қилишлари мумкин.

2025 йилнинг иккинчи ярми учун «Жанубий Қозоғистон» газетасининг обуна баҳоси ўзгармади: 6 ойга обуна баҳоси: «Қазпошта» ҲЖ орқали – 3415,50 тенге.

НАШР КЎРСАТКИЧИ: 65466



ОБУНА-2025

ЮКСАК МУКОФОТЛАР МУБОРАК!

Қозоғистон Республикасининг
давлат мукофотлари билан
тақдирлаш тўғрисида
ҚАРОР ҚИЛАМАН:

1. Тинчлик, халқлар ўртасидаги дўстлик ва ҳам-корликни мустақхамлашдаги хизматлари учун:

«Парасат» ордени билан

Кист Виктор Эдуардович – Қозоғистон халқи Ассамблеяси фахрийси, «Қозоғистон немислари-нинг “Возрождение” ҳамжамияти» жамоат жамғар-масининг президиум аъзоси;
Кўзиев Зокиржон Пирмуҳаммад ўғли – Пар-ламент Сенати депутаты;
Максимова Бахитжамал Шаханқизи – Қозо-ғистон халқи Ассамблеяси фахрийси, Павлодар вилояти Оналар кенгаши раисаси;
Пуссеп Геннадий Николаевич – Қозоғистон халқи Ассамблеяси фахрийси.

II даражали
«Достық» ордени билан

Оборон-Туар Малғожат – Қозоғистон халқи Ас-самблеясининг дўстлик элчиси;
Пап Александр Адальбертович – Қозоғистон халқи Ассамблеяси фахрийси;
Презент Григорий Михайлович – Қозоғистон халқи Ассамблеяси фахрийси.

«Ел бірлігі» ордени билан

Алиев Дўлқунтай Абдулхалил ўғли – Респуб-лика ўйғур маданият маркази раиси;
Келигов Юсуф Ҳасан ўғли – Қозоғистон халқи Ассамблеяси фахрийси, Қозоғистон чечен ва ин-гушлари ҳамжамияти ҳамраиси.
Киколенко Ольга Андреевна – Қозоғистон халқи Ассамблеяси фахрийси, Қозоғистон не-мисларининг “Возрождение” ҳамжамияти жамоат жамғармаси аъзоси;
Тошпўлатов Бекпўлат – Қозоғистон халқи Ас-самблеяси фахрийси;
Хўчиева Людмила Хисай қизи – Қозоғистон халқи Ассамблеяси фахрийси, «Қозоғистон қора-чой-болқорларининг «Минги тау» миллий-мада-ний маркази» жамоат бирлашмаси раисаси;
Шанай Назипа Идирис қизи – Қозоғистон хал-қи Ассамблеяси фахрийси, республика Оналар кенгаши раисаси;
Шин Бронислав Сергеевич – Қозоғистон хал-қи Ассамблеяси фахрийси, Қозоғистон корейсла-ри ҳамжамияти раиси муовини.

«Қўрмет» ордени билан

Аҳмедов Байрамали Оғабек ўғли – «Ахыска» турк этномаданият маркази аъзоси;
Вартересян Эрнест Вардович – Қозоғистон арманларининг «Масис» ҳамжамияти аъзоси;
Дедерер Александр Федорович – Қозоғистон халқи Ассамблеяси фахрийси, «Қозоғистон немис-ларининг «Возрождение» ҳамжамияти» жамоат жамғармаси раиси;
Жақип Қалқаман Ҳасенули – Қозоғистон халқи Ассамблеяси фахрийси, Қўстанай вилояти Оқсо-қоллар кенгаши раиси;
Туспекова Қуралай Айтқабилқизи – Қозоғис-тон халқи Ассамблеяси ижодий жамоалар ҳамжа-мияти раисаси;
Цеховой Алексей Филиппович – Қозоғистон халқи Ассамблеяси фахрийси, Ахборотлаштириш халқаро академиясининг бош директори;
Шек Юрий Анатольевич – Ақтўбе вилояти ҚХА раиси ўринбосари.

“Шапағат” медали билан

Алибеев Райимжон Ортиқбой ўғли – “Жану-бий Қозоғистон” газетаси бош муҳаррири;
Жинлир Гашчим Мухамедули – Жамбил ви-лоятининг “Вынхуа” дунган маданият маркази аъзоси;
Доценко Ольга Александровна – Қозоғистон халқи Ассамблеяси аъзоси;
Марабаева Анель Темирланқизи – “Бірлік” дастасининг бадий раҳбари;
Маштаков Дмитрий Сергеевич – Астана ша-ҳар ҳокимлигининг М. Горький номидаги Давлат академик рус драма театри актёри;
Нугуманова Анастасия Юрьевна – “Сейле” қозоқ тилини ўрганиш клуби асосчиси;
Смаилов Рамиль Русланули – Павлодар ви-лояти ҚХА раиси ўринбосари;
Спирина Ольга Сергеевна – “Speaking Club” қозоқ тилини ўрганиш клуби асосчиси;
Суворов Дмитрий Александрович – Қозоқ ма-даниятини оммалаштираётган Россия дипломати;
Тен Владислав Валерьевич – “Lingva Ten” тил-лар маркази асосчиси;
Хван Сергей Валериевич – қозоқ ва инглиз он-лайн-мактаби асосчиси;
Цой Светлана Владимировна – “DaraLace” ижодиёт уйи асосчиси;
Юнусов Равиль Александрович – Шарқий Қозоғистон вилоятидаги «Ассамблея жастары» ваколатхонаси раҳбари.
2. Мазкур Фармон имзоланган кундан эътибо-ран кучга киради.

Қасим-Жўмарт ТЎҚАЕВ,
Қозоғистон Республикаси Президенти.

ДЕПУТАТЛАР ВИЛОЯТДА СПОРТ ИНШООТЛАРИ ҚУРИЛИШИ БИЛАН ТАНИШДИЛАР

Туркистон вилоят маслаҳати раиси Н. Аби-шов етакчилигидаги вилоят маслаҳати депу-татлари минтақада барпо этилаётган қатор спорт иншоотлари билан танишишди.

Қурилиш бошқармаси раҳбарининг ўринбосари А. Турханов халқ ноибларини спорт иншоотларининг ҳолати билан таништирди. Хусусан, депутатлар эшак эшиш канали, отчопар, кўп тармоқли спорт иншооти ва Б. Саттарханов номидаги спорт мажмуа-сини ораладилар.

Депутатлар ташриф якунларини Б. Саттарханов номидаги спорт мажмуасида сарҳисоб қилдилар.

Маслаҳат раиси Н. Абишов ва депутатлар спорт иншоотлари ташқи ва ички сайёҳликни ривожланти-ришга ижобий таъсир кўрсатаётганини таъкидлади-лар. Бундан ташқари, мутасадди идоралар раҳбар-ларидан қурилиш ишларини ўз вақтида самарали якунлаш, тегишли ишларни ташкил этиш ва Б. Сат-тарханов номидаги спорт мажмуасида жойлашган залда ўринлар сонини кўпайтириш талаб қилинди.

Умуман, депутатлар бажарилган ишларни ижобий баҳоладилар.

Туркистон вилоят маслаҳати.



ДОЛЗАРБ МАСАЛАЛАР ИШЧИ ГУРУҲИ ЭЪТИБОРИДА

Сейтжанов, Т. Қалмуратов, Қ. Ни-шанов, Т. Қаржауов ҳамда вилоят энергетика ва уй-жой коммунал хўжалиги бошқармаси раҳбари Т. Усубалиев иштирок этди.

Депутатлик гуруҳи аҳоли би-лан учрашувлар чоғида аниқлан-ган ичимли сув, табиий газ ва сифатли электр энергияси билан таъминлаш, туман ва шаҳарлар-ни ободонлаштириш, ёритиш масалалари юзасидан саволлар бериб, ушбу масалалар борасида тегишли муассасалар раҳбарла-ри иштирокида йиғилиш ўтказиш-ни таклиф қилди.

Муваққат депутатлик гуруҳи май ойида туман ва шаҳарларда айрим масалалар муҳокамасига бағишланган йиғилиш ўтказишни режалашмоқда. Кейинчалик комис-сия хулосалар сессияда кўриб чиқилад.

Туркистон вилоят маслаҳати.



(Давоми. Боши 1-бетда).

Президент Мактуби ижтимоий соҳадаги ян-гиланиш жараёнига янги суръат бағишлади. Бугунги кунда ижтимоий янгиланишнинг мақсад ва моҳияти жамиятни янги индустриал-иннова-цион иқтисодиёт шароитида яшашга тайёрлаш, Қозоғистоннинг жадал иқтисодий тараққиёти билан ижтимоий фаровонлиқни таъминлаш ўртасидаги қулай мувозанатни топиш, ҳуқуқ ва адолат қоидаларига асосланган ижтимоий му-носабатларни қарор топтиришдан иборат.

Ижтимоий янгиланиш бутун жамиятнинг, Қозоғистондаги ҳар бир оиланинг ва ҳар бир қозоғистонликнинг ҳаётидаги сезиларли ижобий ўзгаришларга йўналтирилган пухта ёндашуви талаб қилад.

Ижтимоий янгиланиш давлат учунгина эмас, у ҳар бир аниқ фуқарога хизмат қилад.

“Ишчи касблари йили”ни ўтказиш бўйича Ҳукумат умумий режа ишлаб чиқди, у 70 бос-қичдан иборат 7та асосий йўналишни ўз ичига

МЕҲНАТДАН КЕЛСА БОЙЛИК...

олади. Минтақалар бўйича 20та дастур белги-ланди. Мутасадди вазирлик ва бошқармаларга ишчилар тайёрлаш тизимини такомиллашти-риш, мактаб ўқувчиларини касб-хунарга йўнал-тириш, иш берувчиларни ушбу тадбирларга жалб этиш каби вазифалар юкланди. Йил доирасида 12та йирик республика ва халқаро тадбирлар ташкил этилади. Улардан биринчиси февраль ойида пойтахтда ўтди. ЭКСПО кўргаз-малар марказида “Ишчи касблари шахри” деб номланган фестивал ташкил этилди. 5 кун давом этган тадбирда ишчи касблар салоҳияти ва келажак касблари ва инновацион техноло-гиялар намоиш этилди.

“Самурық-Қазына” ҲЖнинг “Ишчи касблари йили” доирасидаги чора-тадбирлари ва истиқ-болдаги режалари ҳам таҳсинга сазовор. Унинг тасарруфидаги компаниялар гуруҳида 255

мингдан ортиқ киши меҳнат қилад, улардан 190 мингга яқини ишчи касблар вакиллари-дир. Ҳозирги кунда ҳам бу ерда 5000 мутахассисга талаб мавжуд. Шу боис таълим муассасалари билан шартномалар тузиш, меҳнат ярмаркала-рини ўтказиш, ёш кадрлар малакасини ошириш дастурларини ҳаётга татбиқ этиш кўзда тутил-ган.

“Самурық-Қазына” ҲЖ 2032 йилгача 46та йи-рик сармоявий лойиҳаларни амалга оширишни режалаштирмоқда. Унинг доирасида жами 64 мингдан зиёд иш ўрни яратилади. ҲЖ ишчи му-тахассисларни тайёрлашда иштирок этишдан манфаатдор.

Таъкидлаш жоизки, аини пайтда мамлаката-тимизнинг электрон биржасида 72 мингдан зиёд бўш иш ўринлари мавжуд.

А. АБДУФАТТОҲ.

»»»Туркистон – ўтмиш ва келажак кўприги

КЎЗАЮ ТЎҚМОҚ ҚЎЛИМДА...



омад тилаб, фотиҳа берди. Барча иштирокчиларга совғалар ва ташак-курномалар тақдим этилди. Биринчи ўрин соҳибаси Динора Абдураимова-га эса Самарқанд шаҳрига уч кунлик саёҳат йўлланмаси тақдим этилди.

Танлов ташкилотчиси ва бош ҳо-мий Райимжон Кўчқоров келажакда туркий халқлар муштарак маданият-ларига оид шундай танловни вилоят миқёсида барча туман, шаҳрлар ва-киллари иштирокида ташкил этишни режалашганини баён этди.

Ш. МАДАЛИЕВ.

Тасвирларда: тадбирдан лав-ҳалар.

Муаллиф суратга олган.

ҚАҲРАМОН НОМИДАГИ МАКТАБДА ҚЎШ БАЙРАМ

СОВЕТ ИТТИФОҚИ ҚАҲРАМОНИ РАСУЛ ИСЕТОВНИНГ
101 ЙИЛЛИГИ ВА МАКТАБНИНГ 20 ЙИЛЛИГИГА БАҒИШЛАНАДИ



Совет Иттифоқи Қаҳрамони Расул Исетов номидаги умумтаълим мактабида Буюк Ғалабанинг 80 йиллигига бағишланган қўш тантанали таъдбирлар бўлиб ўтди.

Расул Исетов таваллудининг 101 йиллиги ҳамда мактабнинг 20 йиллиги шукҳи ватанпарварлик, кекса авлод анъаналарига содиқлик туйғуларини билан уйғун.

Қўш қаватли замонавий мактаб 2004 йил сентябрда ҚР ва Туркистон шаҳри фахрий фуқароси Собир Отаев бошқарган “Ақ жол” қурувчилари томонидан бюджет маблағи ҳисобидан барпо этилиб, фойдаланишга топширилди.



Мактабнинг биринчи директори этиб таъинланди. 2004-2015 йиллар оралиғида Эргаш Тўлаев ўғли раҳбарлигида мактаб пешқадамлар қаторида бўлди. Хусусан, мактаб ҳовлисида мева ва боғ яратилиб, арча дарахтлари ўтқазилди.



Ободонлаштириш, кўчалар зорлаштириш бўйича ушбу мактаб вилоятимизда биринчи, республикада фахрли иккинчи ўринни енгиб олган. Э. Диметов фахрий ҳордиққа чиққач, мактабга Нурбўл Дуйсебек раҳбарлиги қилди. Уруш қаҳрамони Расул Исетовнинг жасорати тўғрисида “Қаҳрамонлик сабоқлари”, “Ғалаба шажараси” тадбирлари мунтазам ўтказилиб, ёшларни ватанпарварлик туйғусида тарбиялашга хизмат қилмоқда.

Айни пайтда ушбу таълим даргоҳига таърибли устоз Алтинбек Мўмбеков раҳбарлиги қилмоқда. Аҳил жамоада санъат ва ижодкорликка теран аҳамият қаратилмоқда. Ўқувчилар бадий ўқиш, асарларни саҳналаштириш ва рақс санъати бўйича республика ва халқаро танловларда мукофотларга сазовор бўлди. Спортда эришган ютуқлари ҳам



залворли. Ўқувчилар фақат билим олиш билан чекланиб қолмай, қобилиятини ривожлантирмоқда. Ўқув тизими замонавий талаб асосида ташкил этилган. Хар бир фан бўйича махсус кабинетлар ва таҳлил лабораториялари очилиб, ўқувчиларга илмий-назарий ва амалий уйғунлаштириш имконияти мавжуд. Шаҳар “Илғор фан кабинети” танловида мактабимиз фахрли ўринни эгаллади. Хусусан, қозоқ тили ўқитувчиси Ш. Тилеубергановнинг “Халқ адабиёти” кабинети вилоят танловида иштирок этиб, фахрли ўринга сазовор бўлган. “Абайшунос” кабинети ходими Р. Ермаханова фан кабинети танловида иштирок этиб, фахрли биринчи ўринни эгаллади. Инглиз тили ўқитувчиси М. Утеген қизи шаҳар ўқитувчилар олимпиадасида биринчи ўрин, вилоят миқёсида учинчи ўринни эгаллади. Биология фани ўқитувчиси Н. Саитова шаҳар олимпиадасида 2-ўринни эгаллади. Пешқадам ўқитувчиларимиз: Д. Сайфуллаева, Р. Абдузаитова, Д. Саданова, Д. Азимова, Ф. Аппақбаев, Ғ. Абдурашидов, Н. Таипова, Ж. Стамқуловлар шаҳар педагоглар анжуманида фаол иштироки билан эъти

бор қозонди. Бундай ютуқлар рўйхатини узоқ давом эттириш мумкин. Мактабнинг моддий-техника базаси талаб даражасида. Илмий асосда жиҳозланган фан кабинетлари билан тўлиқ таъминланган. Таълим жараёни 2 ўқув зали, 40 синфхона, 24 фан кабинети, 3 тадқиқот синфлари, 2 спорт зал, 1 ҳарбий тайёргарлик кабинети, ўқувчиларни мазали таомлар билан таъминлаётган ошхона мавжуд. Мактаб жамоасида 222 нафар ходим меҳнат қилади. Хусусан, 56 тадқиқотчи педагог, 47 таҳлилчи мутахассис ёш авлодга онгли тарбия, сифатли билим бериш билан машғул. “Жанубий Қозоғистон” газетаси обунасини ташкил этишда директор ўринбосарлари Абдуғаффор Маҳкамбоев, Фаррух Беконов, бошланғич синф ўқитувчиси Жамила Содиқова, устозлар жамоаси ҳамжиҳатлик намоиши этмоқда.



Қаҳрамон Расул Исетовнинг тадбиркор фарзанди Олимжон Расул ўғли ҳомийлигида мактаб ҳовлисида ёдгорлик ўрнатилган. “Кеңес Одағи”нинг батыри Тўрқистандық Расул Исетов” номи китоб

чоғ этилди. Ушбу китобга тарих фанлари доктори Марат Абсеметов, вилоят маслаҳати депутати Баймахан Сулейменов, ҚР Журналистлар уюшмаси аъзолари Шомирза Мадалиев ва Райимжон Алибоевлар муҳаррирлик қилган.

Дилафрўз АБДУЖАББОРОВА,
мактаб кутубхоначиси.

Тасвирларда: мактабнинг бугунги директори Алтинбек Мўмбеков; биринчи директор Эргаш Диметов; собиқ директор Нурбўл Дуйсебек; мактабни барпо этган Собир Отаев; Р. Исетов хотирасига нашр қилинган китоб; Р. Исетовнинг тадбиркор фарзанди Олим Расул ўғли; мактаб директори А. Мўмбеков ҳамкасб ўринбосарлари билан; мактаб кутубхоначиси Дилафрўз Абдужабборова фаол обуначи, бошланғич синф устози Жамила Содиқова билан.

Обуначиларимиз орасида

ЭРГАШ ШОИРНИНГ ЎСАР ЎҒЛИ

Саврон тумани Янги Иқон қишлоғи ЎЗМБ раиси, Туркистон вилоятининг ибратли фуқароси, нафақадаги устоз-мураббий Ўсар Неъматуллаев (таъсирда) 76 ёшни қарши олмақда.

Ўсар Неъматуллаевнинг падари бузруквори Эргаш шоир замонасининг пешқадам зиёлиси, кўплаб китоблари чоп этилган, адиб Миртемир Турсунов билан ҳамкорлик қилган иқтидорли инсон бўлган.

Тахририят ташаббуси билан Райимжон Қўчқоров ташкил этган “Китобсеварлар клуби”да вилоят миқёсида Эргаш шоирнинг юбилейига бағишланган аjoyиб тадбир ўтди. Янги Иқон қишлоғидаги марказий кўчаларнинг бирига унинг номи берилган.

Ўсар Неъматуллаев “Жанубий Қозоғистон” вилоят газетасининг фаол жонкуяри. Янги Иқон қишлоғидаги собиқ ўқувчилари, ҳамкасблари билан ушбу нашрнинг 65 нусха обунасини ташкил этишга камарбаста бўлди.

Саврон тумани ЎЗМБ, Янги Иқон қишлоқ ҳокимлиги, ҳамкасблари, ҳамқишлоқлари, собиқ ўқувчилари Ўсар Эргаш ўғлини таваллуд кунини муборакбод этиб, сиҳат-саломатлик, эл бирлиги ва равнақи йўлидаги фаолиятига омад тилайди. Тахририят ушбу эзгу ниятлар ижобатига тилақдош.

Ш. МАДАЛИЕВ.
Муаллиф тасвири.

Маданият ва спорт эл доврўғини оширади

“ҒАНИ ЮЛДУЗЛАРИ” ГУРУҲИНИНГ ХАЛҚАРО ЗАФАРИ

Туркистон шаҳридаги 5-сонли Ғани Муратбаев номи умумтаълим мактаби директори, фаол обуначимиз Гулзода Исмаилова мусиқа фани устози Лаззат Махашева раҳбарлигидаги “Ғани юлдузлари” гуруҳининг Дубайда ўтган халқаро танловда бош соврин соҳиби бўлгани хусусидаги хушхабардан воқиф этди. Муборак бўлсин!



Лаззат Махашеванинг умумий меҳнат тажрибаси 35 йилни ташкил этади. 5-7-синф ўқувчилари Ибадулла Адилет, Қўйшибай Ўлжас, Семенхан Арсен дўмибрада куй чалиш танловида дастлаб Жанақўрғанда вилоят, Алматиде республика, Тошкентда халқаро миқёсда ғалабага эришган. Дубайда ўтган халқаро танловда Қурмангазининг “Адай” куйини ижро этиб, барчани ўзига мафтун этган “Ғани юлдузлари” гуруҳини эришган ютуқ билан муборакбод этиб, янги зафарлар тилаймиз.



Ш. МАДАЛИЕВ.

Тасвирларда: мактаб директори Гулзода Исмаилова халқаро танловда зафар қучган “Ғани юлдузлари” гуруҳи етакчиси Лаззат Махашевани муборакбод этмоқда; “Ғани юлдузлари” гуруҳи.

Директор – Бош муҳаррир
Райимжон Ортиқбой ўғли
АЛИБОВЕВ.

Бош муҳаррир ўринбосарлари:
Муроджон АБУБАКИРОВ.
Авазхон БҮРҒОНБОВЕВ.

Масъул котиба – Шаҳноза УСМОНОВА.

Масъул шахслар:

Туркистон, Саврон – Шомирза МАДАЛИЕВ. +7701-610-51-22
Қазигурт – Хуршид ҚҮЧҚОРОВ. +7701-447-37-42
Сайрам – Зокиржон МҮМИНЖОНОВ. +7702-278-96-90
Тулкибаш – Мунира САҲДУЛЛАЕВА. +7702-144-60-71
Жетисай, Мақтарал – Мухтабар УСМОНОВА. +7701-257-36-97
Келес, Саригоч – Малика ЭЛТОЕВА. +7702-841-78-82
Кентов, Сўзоқ – Рўзиохун МАДАЛИЕВ. +7708-824-20-97

Муассис – Туркистон вилояти ҳокимлиги.
Мулк эгаси – “Жанубий Қозоғистон” вилоят ижтимоий-сиёсий газетаси тахририяти” масъулияти чекланган биродарлиги.

● Мақолалар, эълон ва билдирувлардаги факт ҳамда далилларнинг тўғрисида уқим муаллифлар, реклама ва эълон берувчилар масъулдир.
● Фойдаланилмаган мақолаларга ёзма жавоб қайтарилмайди.

Газета ҚР Маданият ва ахборот вазирлиги томонидан 2020 йил 21 апрелда рўйхатга олинди, КЗ34VPY00022503 гувоҳнома берилган.

“ERNUR-print” МЧБ бошқарувида чоп этилди, Шимикент шаҳри, Т. Алимқулов кўчаси, 22.

Қозоғистон Республикасида тарқатилади.

МАНЗИЛИМИЗ:
160000, Шимикент шаҳри,
Тауке хан шоҳқўчаси, 6-уй, 3-қават.
Телефон: 53-07-10. Телефакс: 53-04-66.
+7778-618-39-05.

Электрон почта: janubiy@inbox.ru

Нашр кўрсаткичи – 65466.

Адади – 11300 нусха.

Буюртма 996.

Наибатчи муҳаррир: Хуршид ҚҮЧҚОРОВ.